

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 29.03.2019թ. թիվ 1909293249 որոշումն անփոփոխ թողնելու, իսկ 29.03.2019թ. թիվ 1909293257 որոշումը բեկանելու և վարչական իրավախախտման վերաբերյալ գործի վարույթը կարճել

<<25>> 04 2019թ. 17/13 2/51

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Էմիլ Սեյրանյանի թիվ 37368-19 դիմումի քննարկման արդյունքում ստեղծված նյութերը

Պ Ա Ր Զ Ե Ց Ի

Երևան քաղաքի Աջափնյակ վարչական շրջանի Խաչատրյան 2 նրբանցքի 2 տան բնակիչ Էմիլ Սեյրանյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 29.03.2019թ. թիվ 1909293249 և 1909293257 որոշումները նշելով, որ համաձայն չէ իրավախախտումների հետ:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 43-րդ հոդվածի 1-ին մասի <<Բ>> կետի համաձայն՝ անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Ս/թ մարտի 11-ին Երևան քաղաքի Արշակունյաց պողոտայում տեղադրված արագաչափ սարքը արձանագրել է դիմումատուի տրանսպորտային միջոցի կողմից երթևեկության սահմանված արագության գերազանցում ժամը 01⁵²-ին, և նույն օրը, նույն ժամին՝ չորս րոպե անց նույնատիպ խախտում է արձանագրել նաև Լենինգրադյան փողոցում տեղադրված մեկ այլ արագաչափ սարք, ինչը գործնականում անհնար է:

Նկատի ունենալով իրավախախտումների կատարման ժամանակահատվածի ապացուցման անհնարինությունը և ղեկավարվելով <<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասի <<ա>> կետով և Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 29.03.2019թ. թիվ 1909293249 որոշումը թողնել անփոփոխ, իսկ վարչական բողոքն առանց բավարարման:

2. Ճանապարհային ոստիկանության վարչական տույժ նշանակելու մասին 29.03.2019թ. թիվ 1909293257 որոշումը բեկանել և վարչական իրավախախտման վերաբերյալ գործի վարույթը կարճել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Էմիլ Սեյրանյանին: